

საქართველოს უნივერსიტეტი
საზოგადოებრივი ჯანდაცვის სკოლა

პროგრამის რეკვიზიტები:

სადოქტორო პროგრამა: ჯანმრთელობის დაცვაში

წოდება - ჯანდაცვის ადმინისტრირების დოქტორი

პროგრამის ხანგრძლიობა: 6 სემესტრი (3 კალენდარული წელი)

კრედიტების რაოდენობა: 180 ECTS

პროგრამის შემუშავების ან/განახლების თარიღი: 2007 წელი გაზაფხული, წელიწადში ერთხელ

პროგრამის მიზანი: ჯანდაცვის დარგის მკვლევარის, მეცნიერის მომზადება

პროგრამის ამოცანები:

- 1.ზოგადი ცოდნისა და კვლევის მეთოდოლოგიების შესწავლა– გაღმავება;
2. ჯანდაცვის ადმინისტრირების სფეროების სპეციალიზირებული ცოდნის მიწოდება სისტემური და ოპერატიული გამოყენებისათვის, კვლევებისა და პრაქტიკული სამუშაოების წარმოება პედაგოგიური და დარგობრივი მეცნიერების მიმართულებით

მოსალოდნელი შედეგები და კომპეტენციები:

შედეგები: პროგრამის დასრულების შედეგად მინიჭებული იქნება დოქტორის აკადემიური ხარისხი, რაც ერთის მხრივ ადასტურებს სრულფასოვან დახელოვნებას ჯანდაცვის ადმინისტრირების ამა თუ იმ სფეროში და მეორეს მხრივ, ადასტურებს დოქტორის სათანადო უნარებს შეასრულოს სამეცნიერო-პედაგოგიური საქმიანობა, სრულფასოვნად ჩაატაროს ლექცია-სემინარები, განახორციელოს დამოუკიდებელი კვლევა პრობლემურ საკითხებზე, იყოს დარგის ექსპერტი, შეძლოს სიახლის შექმნა.

ზოგადი კომპეტენციები – ანალიტიკური აზროვნება, პრობლემების იდენტიფიცირება, ამოცანის დასმა, მეცნიერული კვლევის წარმოება,

დარგობრივი კომპეტენციები – ჯანდაცვის სისტემის/ების ღრმა ცოდნა, ჯანდაცვის სეგმენტების (პჯდ-სა და ჰოსპიტალური, საზოგადოებრივი ჯანდაცვის სისტემებისა და პოლიტიკის, ფარმაცევტული და სხვა) მიხედვით სპეციფიკური პრობლემების იდენტიფიცირება, პრობლემის გადაწყვეტის ალგორითმებისა და ეფექტურობის შეფასება, დარგში მეცნიერული სიახლის შექმნა, დანერგვა, ექსპერტული შეფასებანი, განათლების მაღალი საფეხურებზე შესაბამისი სპეციალიზირებული მოდულების სწავლება

პროგრამაზე მიღების წინაპირობები:

პროგრამის მოთხოვნებიდან და დოქტორანტის პირადი გარემოებებიდან გამომდინარე, მას ეძლევა ორი შესაძლებლობა:

პროგრამაში დარეგისტრირდეს სრული განაკვეთით – სწავლების 3 წელი,

მოდულები	ტიპი	სემესტრები და კრედიტი
----------	------	-----------------------

ნაწილობრივი განაკვეთით – სწავლების 6 წელი.

სადოქტორო პროგრამაზე მიიღებიან არანაკლებ მაგისტრის ან მასთან გათანაბრებული აკადემიური ხარისხის მქონე პირები. დოქტორანტობის კანდიდატს, სადოქტორო პროგრამის დაწყებისას უკვე უნდა ჰქონდეს სულ მცირე ერთი სამეცნიერო პუბლიკაცია მაინც. შესაძლოა ეს პუბლიკაცია იყოს მისივე სამაგისტრო ნაშრომის ნაწილი. განსაკუთრებულ შემთხვევებს დაცვის საბჭო განიხილავს ინდივიდუალურად.

საკვალიფიკაციო ნაშრომების მენეჯერთან განაცხადის შეტანის შემდეგ, დოქტორანტი ორი კვირის განმავლობაში უნდა დარეგისტრირდეს პროგრამაზე და, შესაბამისად, გადაიხადოს პროგრამის დადგენილი ღირებულება, დოქტორანტის მიღების შემთხვევაში უნივერსიტეტი მასთან აფორმებს ხელშეკრულებას.

აკადემიური ხარისხის მინიჭების მოთხოვნა:

აკადემიური ხარისხის მინიჭება ხდება დოქტორანტის მიერ სადოქტორო პროგრამის სასწავლო მოთხოვნების დაფარვის შემდგომ.

გამოაქვეყნა სულ მცირე 3 სამეცნიერო ნაშრომი, სკოლის მიერ განსაზღვრულ საერთაშორისო ხასიათის ჟურნალებში, თუ კრებულებში;

მონაწილეობა მიიღო სულ მცირე 3 კონფერენციაში (აქედან 2 საერთაშორისო ხასიათის);

წარმატებით დაიცვა სადოქტორო დისერტაცია.

სადოქტორო დისერტაციის დაცვა ჩამოთვლილი კომპონენტებიდან დისერტანტისათვის შესაძლოა ყველაზე მნიშვნელოვანია, მაგრამ დიპლომის გაცემა ხდება მხოლოდ ყველა კომპონენტის შესრულების შემდეგ.

თუ დისერტანტს დამთავრებული აქვს სრული პროგრამა და მიღებული შესაბამისი კრედიტები, მაშინ დიპლომის გაცემა ხდება კანონმდებლობით დადგენილი წესის შესაბამისად.

პროგრამის სტრუქტურა– პროგრამა შედგება საუნივერსიტეტო, სასკოლო და სპეციფიკური მოდულებისაგან. საუნივერსიტეტო მოდულები (4) და მათი მოთხოვნები წარმოდგენილია საუნივერსიტეტო წესდებაში. სასკოლო მოდულები (2) მოიცავს დარგისთვის დამახასიათებელ და ნიშანდობლივ საერთო საკითხებს, ხოლო სპეციფიკური (2) მოდულები წარმოდგება უშუალოდ კონკრეტული თემატიკის მიხედვით, რომელიც აუცილებელია თემის შესრულებისათვის.

	I. მეცნიერული სრულყოფა – საუნივერსიტეტო	სავალდებულო	I	II	III	IV	V	VI	სულ
1.1.	ნარკვევები კვლევის თანამედროვე მეთოდებსა და ტექნოლოგიებში	სავალდებულო	12						12
1.2	ნარკვევები ადამიანთმცოდნეობაში	სავალდებულო	6	6					12
1.3	ნარკვევები საზოგადოებათმცოდნეობაში	სავალდებულო		6	6				12
1.4	ნარკვევები სოციალურ ინსტიტუტებსა და სისტემებში	სავალდებულო			6	6			12
	სულ								48
	II. პროფესიული სრულყოფის მოდულები								
2.1	ნარკვევები საზოგადოებრივი ჯანდაცვა და პოლიტიკა	სასკოლო			6				6
2.2	ნარკვევები ჯანდაცვის ადმინისტრირება	სასკოლო				6			6
	სულ								12
	პროფესიული სრულყოფის მოდულები-სპეციფიკური								
2.3.	ნარკვევები კვლევები ჯანდაცვაში	თემატური				6			6
2.4.	კვლევის მოდელირება	თემატური					6		6
	სულ								12
	III. სადისერტაციო მოდული								
3.1.	დისერტაციის დაგეგმვა და წერა						6		6
3.2.	დისერტაციის წარდგენა და დაცვა							30	30
	სულ								36
	სულ ძირითადი მოდულები								108
	IV. სავალდებულო მუშაობა								
1.	ინდივიდუალური ლექცია-სემინარი ხელმძღვანელთან	სავალდებულო	5	5	5	5	5	5	30
2.	კონფერენციებში, სამეცნიერო პროექტებში მონაწილეობა	სავალდებულო	2	2	2	2	2	2	12
3.	სამეცნიერო პუბლიკაციები	სავალდებულო			3	3	3	3	12
4.	სალექციო კურსის მომზადება-ჩატარება	სავალდებულო	3	3	3	3	3	3	18
	სულ								72
	სულ სულ								180

პროგრამის გაწერა მოდულების კრედიტებისა და სემესტრების მიხედვით

I. მეცნიერული სრულყოფის მოდული. აღნიშნული მოდულით დოქტორანტმა მეცნიერულად უნდა შეისწავლოს საკითხები და დაწეროს მაღალკვალიფიციური ნარკვევები შემდეგ მიმართულებებში: კვლევის მეთოდები და ტექნოლოგიები, ადამიანთმცოდნეობა, საზოგადოებათმცოდნეობა, სოციალური ინსტიტუტები და სისტემები.

კვლევის მეთოდები და ტექნოლოგიები

კვლევის აღნიშნული ეტაპი მოიცავს სხვადასხვა მეთოდებსა და ტექნოლოგიებს, როგორც მეცნიერების ზოგადი თეორიაში, ასევე იურისპრუდენციაში. დისერტანდის ნაშრომში ასახული უნდა იყოს ზოგადად კვლევის სხვადასხვა მეთოდი და გამოიყოს ის მეთოდები რომელსაც ის გამოიყენებს საკუთარი სადისერტაციო ნაშრომის შესრულებისას.

ადამიანთმცოდნეობა

მოცემულ მოდულში დისერტანდი განიხილავს ადამიანის სამართლებრივ სტატუსს, მისი როგორც სამართლის სუბიექტის ნიშნებს, ადამიანის სამართალსუბიექტურობას სხვადასხვა სამართლებრივ სისტემებში.

საზოგადოებათმცოდნეობა

დისერტანტის ნაშრომი შეეხება სამართლის როლს საზოგადოების განვითარებაზე, განიხილავს საზოგადოების განვითარების ისტორიულ ეტაპებს და მასთან ერთად სამართლის განვითარებას.

მკვლევარმა უნდა გააცნობიეროს საზოგადოებაში მიმდინარე სოციალურ და კულტურულ ცვლილებათა პროცესის თავისებურებები. მკვლევარმა კრიტიკულად უნდა შეაფასოს საზოგადოებრივ ცვლილებათა თეორიის ლოკალური და გლობალური ზეგავლენა საზოგადოებაზე. თეორიული ცოდნა განსაკუთრებით მნიშვნელოვანია საზოგადოებაში მიმდინარე სიღრმისეული კვლევისათვის. ამ ტიპის ცოდნა მოიცავს განსჯასა და კრიტიკულ შეფასებას, მაკრო და მიკრო პარადიგმებს, თეორიებს, ხედვასა და პერსპექტივას, ფუძემდებლური ცნებების იდენტიფიცირებას.

სოციალური ინსტიტუტები და სისტემები:

სოციალური სისტემების თეორია გვთავაზობს პრობლემის მთლიანობაში ხედვის მოძიებას.

აზროვნების ეს ფორმა ახდენს პრობლემის სეგმენტაციას, შემდგომ კი ცალკეულ სეგმენტები მოჰყავს სისტემაში და შეისწავლის სეგმენტთა შორის არსებულ მიმართებათა ტიპებს. სისტემების თეორია წარმოადგენს კრიტიკული აზროვნების სწორედ იმ მოდელს, რომლის გამოყენებაც ევალება დოქტორანტს კვლევის პროცესში. სისტემათა თეორია აღრმავებს დოქტორანტის ცოდნას სამყაროს, ხალხის, ინსტიტუციებისა და ორგანიზაციების შესახებ. ეს

თეორია გვთავაზობს იმ საფუძვლების შესწავლას, რომელიც ეხმარება მკვლევარს, დაინახოს საზოგადოება, როგორც ურთიერთდამოკიდებულ ქვესისტემათა მთლიანობა.

II. პროფესიული სრულყოფის მოდული.

დოქტორანტმა მისი საკვლევითი სფეროს სპეციფიკიდან გამომდინარე უნდა შეისწავლოს ოთხი ისეთი პროფესიულ-სპეციფიკური საკითხი რომელიც სავალდებულოა მისი კვლევის სრულყოფილად წარმართვისათვის.

2.1 საზოგადოებრივი ჯანდაცვა და პოლიტიკა

დისერტანტის ნაშრომი სადისერტაციო ნაშრომის მომიჯნავე დისციპლინაში, რომელიც მოიცავს ჯანდაცვის პოლიტიკასა და საზოგადოებრივი ჯანდაცვის სფეროში არსებული მდგომარეობის ანაზღაურების, მიმოხილვასა და წარმოჩენას თემისათვის მნიშვნელოვანი მიმართულებით.

2.2 ჯანდაცვის ადმინისტრირება

დისერტანტის ნაშრომი უნდა მოიცავდეს ჯანდაცვის ადმინისტრირების მნიშვნელოვანი საკითხების მიმოხილვას და შესაბამისად ხედვას ჯანდაცვის ადმინისტრირების როგორც ერთიანი, ასევე თემატიკისათვის აუცილებელი სეგმენტის მიმართულებით და უნდა წარმოადგენდეს შედარებებს სხვა ქვეყნების ანალოგიურ სისტემებთან მიმართებაში.

2.3 კვლევები ჯანდაცვაში

მოდული წარმოადგენს ჯანდაცვის სფეროში აღებული თემატიკის შესაბამის თემების მიხედვით მნიშვნელოვანი კვლევების წარმოჩენას, აღწერებს და მათ ანალიზს, გამოყენებისა და გათვალისწინების ასპექტებს.

2.4 კვლევების მოდელირება

მოდული, სადაც უნდა იყოს გაანალიზებული თემატიკისათვის მნიშვნელოვანი კვლევის მეთოდოლოგიები, მათი უპირატესობების წარმოჩენით და იმ გადაწყვეტილების მინიშნებით, რატომ ირჩევა უპირატესად კონკრეტული მეთოდოლოგია არსებულ სიტუაციაში მეტად წარმატებულად. მისი ერთ-ერთი დანიშნულებაა (დისერტაციის თავი ან ქვეთავი), სადისერტაციო ნაშრომის მეცნიერული ღირებულების წინასწარი შეფასებ და კვლევის ტესტირება..

მოდულის მოცულობა

როგორც მეცნიერული სრულყოფის მოდული ასევე პროფესიული სრულყოფის მოდულის თითოეულის თითოეული ნაწილი უნდა შედგებოდეს APA-ის სახელმძღვანელოს სტილში, ორბჭკარიანი შუალედით დაწერილი 30/40 გვერდისაგან.

III. დისერტაციის მოდული:

მოიცავს სადისერტაციო ნაშრომის დაგეგმვასა და ჩატარებას, კვლევის ჩატარებას, შედეგების გამოყვანას.

გაფრომებას, დაწერასა და მის საჯარო დაცვას